

Komisioni për Mbrojtjen e Konkurrencës bazuar në nenin 28 dhe nenin 19, paragrafi (1), pika 2) të Ligjit për Mbrojtjen e Konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16, 83/18 dhe "Gazeta Zyrtare e Republikës së Maqedonisë së Veriut" nr. 208/24), duke vepruar mbi njoftimin për përqendrim të parashtruar nga Lukssher Presizhn Industri Ko., Ltd. (Lukssher Precision Industry Co., Ltd.), me seli të regjistruar në F, Blloku A, Zona Industriale e Re Sanjang, Perëndimi i Haoji-t, Rruga Shaxhing, rrehti Baoan, Shenzhen, Kinë, dorëzuar përmes avokates Lupka Noveska Andonova nga Shkupi, në seancën e mbajtur më datë 20.11.2024, miratoi këtë:

AKTVENDIM

Konstatohet se përqendrimi me të cilin Lukssher Presizhn Industri Ko., Ltd. (Lukssher Precision Industry Co., Ltd.), me seli të regjistruar në F, Blloku A, Zona Industriale e Re Sanjang, Perëndimi i Haoji-t, Rruga Shaxhing, rrehti Baoan, Shenzhen, Kinë, synon të marrë kontroll mbi subjektet që i përkasin departamentit të zgjidhjeve për kabllot automobilistike të LEONI AG (LEONI AG), me seli të regjistruar në Marienshtrase 7, 90402 Nuremberg, Gjermani, dhe me të cilin Lukssher Presizhn Industri Ko., Ltd. dhe L2-Betajligungs GmbH me seli të regjistruar në Merienshtrase 7, 90402 Nuremberg, Gjermani do të fitojnë kontroll të përbashkët mbi LEONI AG me seli të regjistruar në Marienshtrase 7, 90402 Nuremberg përmes blerjes së pjesëve, edhe pse bie nën dispozitat e Ligjit për Mbrojtjen e Konkurrencës, nuk do të ketë si pasojë pengimin, kufizimin ose çrregullimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve dhe **është në përputhje me dispozitat e Ligjit për Mbrojtjen e Konkurrencës në kuptim të nenit 19 paragrafi (1) pika 2) të Ligjit për Mbrojtjen e Konkurrencës.**

2.Parashtruesi i njoftimit për përqendrim detyrohet të paguajë taksë administrative për njoftimin e përqendrimit në shumë prej 6,000.00 denarë dhe për aktvendimin në shumë prej 30,000.00 denarë, sipas numrit tarifar 34 të Ligjit për Taksat Administrative ("Gazeta Zyrtare e Republikës së Maqedonisë" nr.17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11) në llogarinë e Buxhetit të Republikës së Maqedonisë së Veriut nr. 100000000063095, llogaria e pagesës 840...03161, kodi i të ardhurave dhe programi 72231300.

3.Padia për ngritjen e kontestit administrativ nuk e shtyn ekzekutimin e aktvendimit.

ARSYETIM

Në përputhje me nenin 15 të Ligjit për Mbrojtjen e Konkurrencës, më datë 21.10.2024, dhe plotësuar më 28.10.2024, Komisioni për Mbrojtjen e Konkurrencës (në tekstin e mëtejshëm: Komisioni) ka pranuar një njoftim për përqendrim nga Lukssher Presizhn Industri Ko., Ltd., me seli të regjistruar në F, Blloku A, Zona Industriale e Re Sanjang, Perëndimi i Haoji-t, Rruga Shaxhing, rrehti Baoan, Shenzhen, Kinë, me të cilin Lukssher Presizhn Industri Ko., Ltd synon të fitoj kontroll mbi subjektet që i përkasin departamentit të zgjidhjeve për kabllot automobilistike të LEONI AG, me seli të regjistruar në Marienshtrase 7, 90402 Nuremberg,

Gjermani, dhe me të cilin Lukssher Presizhn Industri Ko., Ltd dhe L2-Betajligungs GmbH, me seli të regjistruar në Mariensstrase 7, 90402, Nuremberg, Gjermani, do të ftojë kontroll të përbashkët mbi LEONI AG, me seli të regjistruar në Mariensstrase 7, 90402 Nuremberg, Gjermani, përmes blerjes së pjesëve.

Komisioni filloi shqyrtimin e Njoftimit në ditën e marrjes së tij dhe bazuar në të dhënat e dorëzuara në Njoftimin për përqendrim, plotësimet dhe shtojcat e tij, konstatoi sa vijon:

Lukssher Presizhn Industri Ko., Ltd synon të marrë në pronësi të plotë departamentin e zgjidhjeve për kabllot automobilistike ("AKR") të LEONI AG, përmes blerjes së 100% të pjesëve në LEONI KABEL GmbH, kompania holding dhe subjekti kryesor menaxhues i departamentit AKR të LEONI AG. Përveç kësaj, Lukssher Presizhn Industri Ko., Ltd synon të marrë 50.1% të departamentit të sistemeve të telave ("OZHS"), përmes blerjes së 50.1% të aksioneve në LEONI AG nga L2-Betajligungs GmbH, aktualisht aksionari i vetëm në LEONI AG.

Pra, me këtë përqendrim Lukssher Presizhn Industri Ko., Ltd indirekt, përmes Tajm Interkonnect Singapore Pte. Ltd. (Time Interconnect Singapore Pte. Ltd.), do të marrë kontroll të pavarur mbi departamentin AKR (përmes LEONI KABEL GmbH), dhe Lukssher Presizhn Industri Ko, përmes Lukssher Presizhn Singapur (Lukssher Precision Singapore), dhe L2-Betajligungs GmbH, indirekt do të kenë kontroll të përbashkët mbi OZHS (përmes LEONI AG).

Aktivitetet kryesore të biznesit të ndërmarrjeve të përfshira:

Lukssher Presizhn Industri Ko., Ltd u themelua në 2004, Lukssher u listua në bursën ChiNext Shenzhen në 2010. Lukssher është e lidhur me kërkimin dhe zhvillimin (R&D), prodhimin dhe shitjen e produkteve në fushën e, ndër të tjera, elektronikës së konsumit, komunikimeve dhe qendrave të të dhënave, elektronikës automobilistike dhe kujdesit shëndetësor. Produktet dhe bizneset janë të larmishme dhe të integruara vertikalisht, dhe përfshijnë komponentë, module dhe montim sistemesh.

Lukssher Presizhn Industri Ko., Ltd nuk ka prani të regjistruar në Maqedoninë e Veriut dhe nuk ka realizuar të ardhura në Maqedoninë e Veriut në vitin 2023.

L2-Betajligungs GmbH është një shoqëri e varur e **Pirer Konzerngesellschaft** ((Pierer Konzerngesellschaft; "PKG"), e cila është në pronësi të plotë të z. Pirer.

Pirer Konzerngesellschaft zotëron të gjitha aksionet në PIRER Industrie AG ((PIERER Industrie AG; "PIAG"), një grup global investimesh industriale aktiv në prodhimin dhe shpërndarjen e motoçikletave, biçikletave elektrike dhe komponentëve për automjete me dy rrota, zhvillimin, prodhimin, mirëmbajtjen dhe shpërndarjen e sistemeve mekanike të teknologjisë së lartë për komponentë dinamike për gara, makina luksoze dhe aeronautikë; dhe prodhimin e frenave, pompave dhe komponentëve të motorit që janë efikase në reduktimin e emetimeve të CO₂.

PIERER Industrie AG është një shoqëri aksionare e themeluar sipas ligjit austriak, me seli në Vels, Austri.

Pirer nuk ka prani të regjistruar në Maqedoninë e Veriut dhe ka realizuar vetëm të ardhura minimale në Maqedoninë e Veriut në vitin 2023.

LEONI AG është një furnizues global i produkteve, zgjidhjeve dhe shërbimeve për menaxhimin e energjisë dhe të dhënave në industrinë automobilistike.

LEONI AG dhe shoqëritë e varura të saj punësojnë rreth 95,000 njerëz në 26 vende.

LEONI AG nuk ka prani të regjistruar në Maqedoninë e Veriut dhe ka realizuar vetëm të ardhura minimale në Maqedoninë e Veriut në vitin 2023.

Komisioni konstatoi se përqendrimi i njoftuar bie nën dispozitat e Ligjit për Mbrojtjen e Konkurrencës, pasi që i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1) dhe 2) të Ligjit.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit dhe pikën 6 c) i) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se të njëjtat janë në përputhje me Ligjin për Mbrojtjen e Konkurrencës*, vlerësoi se përqendrimi i njoftuar, edhe pse bie nën dispozitat e Ligjit, është në përputhje me të njëjtin pasi që nuk do të ketë si pasojë pengimin, kufizimin ose çrregullimin e konsiderueshëm të konkurrencës efektive në treg ose në një pjesë thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij vendimi mund të paraqitet padi për ngritjen e kontestit administrativ pranë Gjykatës Administrative brenda 30 ditëve nga dita e dorëzimit të tij.

KOMISIONI PËR MBROJTJEN E KONKURRENCËS

KRYETARE

Ана Николоска